

الحرم صُعبُ بلا كافل  
دمع تصبُ يبو فاضل  
غربه ونسوه احنا .. منهو اللي يردنا  
يا كافل طعنا

---

(1)

مديت إلی چفك وأنی اركبت ابرکابی  
طول الدرب یا خویه من ظلك حجابی  
والیوم أسألك: لیه رد وتصد جوابی  
لتقول إلی یختی اقبلی عذری ابغیابی  
أنت استمع یا بو الوفا لومي وعتابی  
تقبل یرکبني الهزل ابن الضبابی

بقى اللوا بلا كافل  
وظفا الضوا یبو فاضل  
اتروح وتمشي عنا .. بالغربه من إلنا  
یا كافل طعنا

(2)

یا خویه جسمك للخیم خلنا نرفعه  
خلیني أشیق صدرک وأبچی وادعه  
ابجنبك أريد أنحب علی چفك وقطعه  
بلکت تفز یا خویه لو نوحی تسمعه  
إحضني خویه من تحس للموته نزعہ  
خل روحی تطلع ویا روحك مالی رجعه

ترید أظل بلا كافل  
بلا أهل یبو فاضل  
وأنت اللي اکفلتنا .. وبحماک اشملتنا  
یا كافل طعنا

(3)

جسمك إذا ترفض إلی الخیمه نسجه  
استأذنك بس چفك المقطوع أجلبه  
أرد أغفی فوقه وأذكر أيام المحبه  
ودمك أغسله من دمع عیني تسکبه  
لو باحوا المای العذب ما عندي قربه  
نذیر علیه ابچفك أیتامک تشربه

ولو بعد بلا كافل  
على الوعد يبو فاضل  
يا خونا وقمرنا .. وفيت ابذرنا  
يا كافل طعنا

(4)

أدري انت ذابحك الخجل يا خويه مني  
لكن لآتحني الراس إذا جيت وشفقتني  
من تحني هامك وانظر الطيره تفتني  
ولو ينزف الدم عالوجه يتعلو وني  
لا تنحني وما أقول إلك رحت وعفتني  
يكفي أبو الأكبر أنظره وظهره محني

انحنى الظهر بلا كافل  
على النهر يبو فاضل  
ما قللك عفتنا .. لكن ضيعتنا  
يا كافل طعنا

(5)

لآتقول إلي ما شوف أنا والحجه سهمك  
تسمعني يا خويه أظن كلما أكلملك  
چني أحسك ترتفع من أذكر اسمك  
جيتك بودعك ما اجيت أعتب واحشمك  
ما قصرت يا بو الوفا ومشكوره أمك  
واعذرني من أمشي ويظل عالغبره جسمك

مشى الظعن بلا كافل  
جفا الزمن يبو فاضل  
قوم انهض لسكنه .. يا راعي المحنه  
يا كافل طعنا

(6)

يا خويه قوم اسمع حچي أهل الشماته  
تقول انذبح عباس وأثكلنا خواته  
تشتم أبونا اتقول اسمعوا يا بناته  
اشعندك إلي من هم بعد يا دهرې هاته  
بالعلقمي حادي السبي ايمر ابفرايه  
شصبر إذا جسم الأخو شفته ايمماته

على الهزل بلا كافل  
عليك أطل يبو فاضل  
شتموا فاطمه امنا .. ومحروقه خيمنا  
يا كافل طعنا